

KERATAN AKHBAR

TARIKH : 25 DISEMBER 2022
AKHBAR : 9
MUKA SURAT : KOSMO

KPDN perkenal peraturan baharu isu jual bahan api



AZMAN (dua dari kanan) melihat proses pembungkusan minyak masak di sebuah kilang di Kangar semalam.

KPDN perkenal peraturan baharu isu jual bahan api

KANGAR – Kementerian Perdagangan Dalam Negeri dan Kos Sara Hidup (KPDN) kini di peringkat akhir memperkenalkan peraturan baharu bagi mengekang ketirisan bahan bakar bersubsidi ke negara jiran.

Ketua Setiausahaanya, Datuk Azman Mohd. Yusof berkata, peraturan baharu itu juga akan membantu menambah nilai ekonomi di kawasan sempadan.

“Pelaksanaan tersebut adalah di bawah Program Ekonomi Sempadan-Pembekalan Petrol RON95 & Diesel Tanpa Subsidi.

“Ta antara lain hanya membenarkan pembelian petrol RON95 dan diesel tanpa subsidi oleh kenderaan berpendaftaran asing di negeri bersempadan dengan negara jiran,” katanya selepas merasmikan kilang pembungkusan Minyak Masak Halipah di sini semalam.

Katanya, KPDN memandang serius masalah ketirisan petrol RON95 dan diesel bersubsidi yang berlaku di negeri-negeri bersempadan.

“Subsidi minyak tersebut yang sepatutnya dinikmati oleh rakyat Malaysia didapati turut dinikmati warganegara lain dan ini tidak sewajarnya berlaku.

“Bagi tujuan kawalan, arahan Pengawal Bekalan telah dikeluarkan pada 17 Jun lalu



KERATAN Kosmo! 22 November 2022.

mengenai ketetapan larangan penjualan petrol RON95 dan larangan menjual diesel melebihi 20 liter kepada kenderaan berpendaftaran asing.

“Namun, terdapat kes-kes dikesan yang mana kenderaan asing telah mengisi diesel bersubsidi dalam kuantiti yang dihadkan, tetapi di beberapa stesen minyak berasingan secara bergiliran,” ujarinya.

Difahamkan, kira-kira 500 kenderaan asing dari Thailand memasuki Perlis setiap hari berdasarkan maklumat penguatkuasaan negara ini.

Kosmo! pada 22 November lalu melaporkan, sebilangan stesen minyak sesak dengan trak pikap pada waktu pagi dan petang ketika penduduk sibuk pergi dan pulang dari tempat kerja dipercayai terbabit aktiviti menyeludup bahan api bersubsidi itu ke negara jiran.